



IMUS, MAHAL KONG BAYAN BANAAAAG

Official Newsletter Publication of the City Government of Imus

IMUS, Cavite — Maingay, Makulay, at Masaya – ganito marahil mailalarawan ang pagdiriwang ng Pamahalaang Lungsod ng Imus sa Tanglaw sa Paskong Imuseño ngayong Disyembre 2023.

Sa temang “Taon ng Pasasalamat at Pagkakaisa,” iba’t ibang regalo ang inihandog nina City Mayor Alex “AA” L. Advincula, Congressman Adrian Jay “AJ” Advincula, Vice Mayor Homer “Saki” Saquilayan, at ng Sangguniang Panlungsod ng Imus sa mga Imuseño.



★ SOCIAL SERVICES

| Page 2 - 3

- * Natatanging Imuseno Gawad Parangal ng Imus LGU
- * 281 PWDs Payout
- * Imus Petstival Year 10 Pet Ko, AAlagaan Ko

★ TOURISM

| Page 4-6

- * Christmas Concerts ng Imus Youth Symphonic Band '83
- * Imus City Government Center Christmas Decoration
- * Libreng Kakanin sa Simbang Gabi
- * Libreng Concert, Christmas Lighting Ceremony, at AAsenso ka sa buwis na binayad mo Raffle Draw
- * Christmas Bags Distribution

★ GOVERNANCE

| Page 7 - 8

- * Bagong daan at Bridge sa La Joya
- * Bagong LNB Officers, hinirang na
- * Gawad KALASAG Seal of Excellence
- * Seal of GHood Local Governance
- * 1st Runner-Up AVP-Making Contest ng MBCRRP CALABARZON





333 IMUSEÑO, KINILALA SA NATATANGING IMUSEÑO GAWAD PARANGAL NG IMUS LGU

IMUS City Government Center — Personal na binigyang-pagkilala ni City Mayor Alex “AA” L. Advincula ang 333 Imuseñong nagpamalas ng husay at galing pagdating sa katalinuhan sa pamamagitan ng kauna-unahang Natatanging Imuseño Gawad Parangal ng Pamahalaang Lungsod ng Imus na ginanap nitong Disyembre 18, 2023.

Kinilala rito ang mga Imuseñong nakatanggap ng pinakamataas na pagkilala sa paaralan, summa cum laude, magna cum laude, top notcher, at board passer.

Nakasama rin sa paggawad ng mga parangal sina Provincial Sangguniang Kabataan (SK) Federation President Chelsea Sarno, Imus SK Federation President Glian Ilagan, City Administrator Tito Monzon, City Information Officer Ervin Ace Navarette, at Youth Affairs Office Officer-in-charge Jericho Reyes.

Hinahangaan ng Pamahalaang Lungsod ng Imus ang dedikasyon ng mga Natatanging Imuseño.



281 PWD, PINAGKALOOBAN NG TULONG PINANSYAL NG IMUS LGU

IMUS City Government Center — Katuwang ang Persons with Disability Affairs Office (PDAO), ipinamahagi ng Pamahalaang Lungsod ng Imus ang tulong pinansyal sa 281 Imuseñong may kapansanan noong Disyembre 11, 2023.

Pinangunahan ito nina City Mayor Alex “AA” L. Advincula, Congressman Adrian Jay “AJ” Advincula, Vice Mayor Homer “Saki” Saquilayan, Board Members Shernan Jaro at Ony Cantimbulan, Provincial Sangguniang Kabataan Federation President Chelsea Sarno, at mga miyembro ng Sangguniang Panlungsod ng Imus.

Sa pamamagitan nito, nais ng Pamahalaang Lungsod ang masayang pagdiriwang ng Kapaskuhan ng mga Imuseñong may kapansanan.





Ika-10 taon ng Imus Petstival dinaluhan ng 400 fur parents at fur children

CITY of Imus Sports Complex — Ginanap ang pinakamalaking pagtitipon ng mga alagang hayop sa lungsod sa ika-10 taon ng Imus Petstival noong Disyembre 2, 2023.

Sa pakikipagtulungan ng Imus City Veterinary Services Office sa Imus City Tourism and Heritage Office at BPI Cavite – North Palawan, nakilahok ang humigit-kumulang 400 Imuseño fur parents at kanilang fur children sa iba’t ibang aktibidad.

Nagpakitang gilas ang mga alagang hayop ng kanilang naggagandahang kasuotan at kagiliw-giliw na posing sa Christmas Pawshion Show at Mr. & Ms. Furthogenic Christmas Edition.

Nakiisa rin ang mga aso at fur parents sa 1.5-km small breed, 3-km medium to large breed, at 5-km human race categories ng Run Fur Farmers.

Ganap na ring nabasbasan ang mga ito sa isinagawang Pet Blessing sa pangunguna ni Deputy Chaplain Ramil Ilano, habang bagong kaalaman ang ibinahagi ni The Pinoy Dog Whisperer Lestre Zapanta sa Pet Talk.

Nakatanggap naman ang mga alagang hayop ng pet food at supplies mula sa 22 sponsors sa isinagawang raffle draw. Nakisaya rin sa pagdiriwang sina Konsehal Totie Ropeta, City Administrator Tito Monzon, at City Veterinarian Dr. Maribel Depayso.

Taunang idinaraos ang Imus Petsival upang malinang ang kaalaman ng mga Imuseño pagdating sa responsible pet ownership.



TANGLAW SA PASKONG IMUSEÑO



Christmas Concerts ng Imus Youth Symphonic Band '83 Inc. at ng Commonwealth Band No. 1

Himig ng masasayang tugtugin ng Kapaskuhan ang inihandog ng mga marching band na Imus Youth Symphonic Band '83 Inc. at ng Commonwealth Band No. 1 sa kanilang libreng Christmas concert nitong Disyembre 17 at 30, 2023 sa Imus City Plaza.



Imus City Government Center Christmas Decoration

Sa kauna-unahang pagkakataon, binuksan ang Imus City Government Center mula alas-singko ng gabi hanggang alas-dyes ng gabi sa publiko noong Disyembre 1, 2023 upang masilayan ang mga nagniningning at makukulay na palamuti rito ngayong Kapaskuhan. Mananatili itong bukas araw-araw hanggang Enero 6, 2024.

Libreng Kakanin sa Simbang Gabi handog nina Cong. AJ, Mayor AA, at ng Imus LGU

Muling nagbalik ang Libreng Kakanin sa Simbang Gabi na handog nina Congressman Adrian Jay "AJ" Advincula, City Mayor Alex "AA" L. Advincula, at ng Pamahalaang Lungsod ng Imus sa mga Imuseñong dumalo sa mga misa. Araw-araw, mula Disyembre 16 hanggang 24, 2023, ipinamahagi ang libreng puto bumbong, bibingka, suman, at iba pa sa apat na simbahan sa Imus.

Kabilang na rito ang at Mayor AA na alas-nuebe ng gabi

Namahagi rin ng tuwing Church sa alas-singko sa Villa tuwing Hatid

bagong bukas na simbhang naitayo sa tulong nina Congressman AJ St. Joseph the Worker Church sa Brgy. Malagasang I-G tuwing pagkatapos ng misa.

libreng kakanin ang lokal na pamahalaan sa Katedral ng Imus alas-singko y medya ng umaga, sa St. Martha Parish Greengate Homes, Brgy. Malagasang II-A tuwing ng umaga, at sa St. James the Greater Parish De Primarosa Subd., Brgy. Buhay na Tubig alas-singko ng umaga.

din nina Mayor AA at Cong. AJ ang tradisyong panggigising ng mga banda sa mga dumalo sa simbang gabi sa pamamagitan ng pagtugtog ng Imus Youth Symphonic Band sa mga kabahayan malapit sa Katedral ng Imus at ng Commonwealth Band No. 1 malapit sa St. Martha Parish Church at sa St. James the Greater Parish.

Hangad ng Pamahalaang Lungsod ng Imus na nabigyang-tanglaw ang pagninilay-nilay at pag-alaala ng kapanganakan ng Panginoong Hesukristo sa pagsisimba ng mga Imuseñong Katoliko.

Mula sa Pahina 1



TANGLAW SA PASKONG IMUSEÑO

Libreng Concert, Christmas Lighting Ceremony, at AAsenso ka sa buwis na binayad mo Raffle Draw

Maagang Pamasko ang hatid ng Pamahalaang Lungsod ng Imus sa mga Imuseño sa ginanap na libreng concert noong Disyembre 1, 2023 sa City of Imus Grandstand and Track Oval.

Tampok dito ang performances ng sikat na Original Pilipino Music (OPM) bands na Ben&Ben, December Avenue, at The Itchyworms, habang pinatunayan din ng mga musikerong Imuseñong The Mars at ni Lizzie Aguinaldo ang kanilang galing sa musika at pag-awit.

Nagliwanag naman ang kalangitan sa inihandang fireworks display na sinabayan ng pag-awit ng vocal ensemble na VocalissImus.

Opisyal na ring pinailawan ang naggagandahan at kumukuti-kutitap na Christmas lights at mga dekorasyon sa Imus City Plaza, kasabay ng pagbabalik ng ImuSaya at Sarap Food Bazaar at ang pagdaraos ng isang variety show.

Nagbigay rin ng maagang pagbati ngayong Kapaskuhan sina City Mayor Alex “AA” L. Advincula at Congressman Adrian Jay “AJ” Advincula.

Pinasalamatan din nila sina Governor Jonvic Remulla at Congressman Bryan Revilla sa kanilang pagdalo at sa kanilang tuloy-tuloy na pagsuporta sa mga programa at proyekto sa Imus.

Sa parehong araw, isinagawa ang raffle draw sa programang “AAsenso ka sa buwis na binayad mo! Raffle Promo for Imus Taxpayers,” kung saan wagi si Katherine S. Salcedo na matanggap ang pinakamalaking papremyong nagkakahalagang isang milyong piso.

Napunta naman sa MediCard Philippines, Inc. ang P500,000 at sa Mighty Knight Steel Corporation ang P300,000.

Samantala, 23 Imus taxpayers ang napanalunan ang P50,000, habang 50 naman ang nakatanggap ng in-kind consolation prizes.

Nagpahiwatig din sina Mayor AA at Cong. AJ sa tuloy-tuloy nilang paghahandog ng mga libreng concert at sa muling pagsasagawa ng AAsenso ka sa buwis na binayad mo! Raffle Promo for Imus Taxpayers.



TANGLAW SA PASKONG IMUSEÑO



Christmas Bags Distribution

Pinangunahan ni City Mayor Alex "AA" L. Advincula ang paunang pamamahagi ng Christmas Bags sa mga Imuseño nitong Disyembre 16, 2023 sa Brgy. Alapan I-A.

"Ito kasi ay gusto kong mangyari taon-taon dahil naniniwala po ako na kahit papano, gusto kong maiparamdam sa ating mga kababayan na may kaunting regalo ang city government sa mga indibidwal," pahayag ni Mayor AA. Ibinahagi rin ng alkalde na ang bawat pamilya ay makatatanggap ng Christmas Bag na naglalaman ng tatlong kilong bigas, spaghetti pack, noodles, keso, at de latang giniling, corned beef at meat loaf.

Sa pamamagitan nito, hangad ni Mayor AA na mapatunayan at maiparamdam sa mga Imuseñong laging nariyan ang Pamahalaang Lungsod upang alalayan at tulungan sila.

"Ito lang ho 'yong nagpapatunay na ang Pamahalaang Lungsod ay naigagapang natin nang dahan-dahan. Nagtitipid po kami sa city hall nang sa gayon ay mapakinabangan ng ating mga kababayan 'yung natitipid naming pondo. [At] maramdaman ng bawat Imuseño na may gobyernong aalalay at tutulong, lalong-lalo na sa oras ng pangangailangan," ani Mayor AA.

Ang pamamahagi ng Christmas grocery packs ay taunang handog nina Mayor AA, Congressman Adrian Jay "AJ" Advincula, Vice Mayor Homer "Saki" Saquilayan, at ng buong Pamahalaang Lungsod ng Imus.

Hiling ng Pamahalaang Lungsod ng Imus na napuno ng pag-iibigan, pasasalamat, at pagkakaisa ang pagdiriwang ng Kapaskuhan ng mamamayan sa inihatid nitong Tanglaw sa Paskong Imuseño.



BAGONG DAAN AT TULAY SA LA JOYA, BINUKSAN NA NG IMUS LGU

BUHAY na Tubig, Imus — Pinangunahan ni City Mayor Alex “AA” L. Advincula ang pagbabasbas at pagbubukas ng bagong daan at tulay sa La Joya St., Bahayang Pag-asa, Brgy. Buhay na Tubig noong Disyembre 1, 2023.

Ayon kay Mayor AA, simula pa lamang ito ng mga karagdagang daan at tulay upang maibsan ang mabigat na daloy ng trapiko sa Imus.

“Ito po ‘yung paumpisa para maibsan ‘yung trapik papuntang Daang Hari [Road], at magiging daanan [din ito] ng mga mag-aaral, pati na rin [ng mga dumaraan] sa Palanas Road. Mayroon po kaming 200 milyong pisong nakalaan para sa iba pang mga daan at tulay. Hinahabol nating mabuksan pa ang mga [ito],” ani Mayor AA.

Inilahad din niya na ang sikreto sa pag-unlad ng isang lugar ay ang pagkakaisa ng mga namumuno rito.

“Ito po ang sikreto ng pagkakaisa . . . ng pagtutulungan, hindi nag-aaway-away. Dahil, ang objective ng lider ng Lungsod ng Imus ay matulungan, mapagaan, [at] maramdaman ng mga kababayan nating may gobyernong aalalay, tutulong, [at] susuporta, lalo na sa mga pangangailangan nila,” saad ng alkalde.

Dagdag pa niya, “Umasa ho kayo, patuloy na ganito ang gagawin natin sa mahal nating lungsod para hindi lumayo ang [ating] pag-unlad.”

Bahagi rin ng pagbubukas si Vice Mayor Homer “Saki” T. Saquilayan at mga miyembro ng Sangguniang Panlungsod ng Imus.

Ilan lamang ito sa mga proyektong inilatag ng administrasyong Advincula para sa pag-angat ng Imus.



DECEMBER 2023 ISSUE

Bagong halal na LNB officers sa Imus, hinirang na

Hinalal na ang mga bagong opisyal ng Liga ng mga Barangay (LNB) sa Imus nitong Disyembre 15, 2023.

Pinangungunahan ito ni Kap. Reymundo G. Ramirez na nahalal bilang presidente.

Bahagi rin ng mga opisyal sina Vice President Kap. Gina Hynson at Auditor Kap. Imelda Kamantigue.

Kinabibilangan naman ang Board of Directors nina Kap. Marc Albert Barzaga, Kap. Zosimo Camia Jr., Kap. Hilario Constantino, Kap. Redentor Crisologo, Kap. Rommel Nas, Kap. Silvestre Nato, Kap. Pedro Parnala, at Kap. Joey Sarte.

Binabati ng Pamahalaang Lungsod ng Imus ang mga bagong halal na LNB officer na kaisa na ngayon sa paglilingkod sa mamamayang Imuseño!



Gawad KALASAG Seal of Excellence



Muling ginawaran ng Seal of Excellence ang Pamahalaang Lungsod ng Imus matapos makamit ang Beyond Compliant rating o 2.58 rating sa Gawad KALASAG (Kalamidad at Sakuna LABanan, SARiling Galing ang Kaligtasan) Seal for Local Disaster Risk Reduction and Management Councils and Offices (LDRRMCOs) Category ng 23rd Gawad KALASAG National Awarding Ceremony nitong Disyembre 11, 2023.

Seal of Good Local Governance



Muling tinanggap ni City Mayor Alex "AA" L. Advincula ang Seal of Good Local Governance (SGLG) mula sa Department of the Interior and Local Government (DILG) nitong Disyembre 14, 2023.

Ginawaran din ang Pamahalaang Lungsod ng SGLG Incentive Fund Subsidy na nagkakahalagang P2.3 milyon.

1st Runner-Up sa Best Environmental Practices AVP-Making Contest ng MBCRRP CALABARZON



Hinirang bilang First Runner-up ang City Information Office ng Pamahalaang Lungsod ng Imus sa Best Environmental Practices Audio Visual-Making Contest (City Category) ng Manila Bay Clean-up, Rehabilitation, and Preservation Program (MBCRPP) CALABARZON noong Disyembre 1, 2023.

Ang Best Environmental Practices AVP-Making Contest ay bahagi ng paggunita ng MBCRPP CALABARZON sa National Environmental Awareness Month, alinsunod sa Republic Act No. 9512.

EDITORIAL BOARD

Editor-in-Chief:

Ervin Ace H. Navarette

Managing Editor

Nikki Eline C. Barco

Head Writer:

Francesca Mandac

Art Director:

Elai Lardizabal

Ron Diaz

Photo Credits:

City Information Office

City Tourism and Heritage Office

Office of the Congressman



2nd floor, Imus City Government Center,
Imus Boulevard, Malagasang I-G,
City of Imus, Cavite